

湖山便覽

書

湖山便覽卷九

仁和翟瀚同緝

杭州王維翰玉堂重訂

南山路

丁家山有蕉石山房西為大麥嶺為花家山舊有盧園

瀕湖為茅家埠有觀音泉舊有獨角門醉白樓大麥支分為

小麥嶺有強幾聖墓舊有旌德顯慶寺太清宮梅坡園靈隱觀

丁家山 南高峰之支也在楊隄西南與北岸棲霞嶺

烏石峰相拱挹俯瞰全湖水天一碧又名一天山西

沿麥嶺三面無鄰又名小孤山咸淳臨安志有丁家

山橋丁家蓋其舊名 國朝雍正五年建閘山下以

受黃泥嶺泉及龍井分流之水洩瀉八湖乾隆二十

七年清理湖址于四岸立石永禁侵占西岸石立此

山下程嘉穗畫丁家山水木佳處不是看山便畫
山的應送老不知還商量水闊雲多處隨意茅

茨著
幾間

丁家山亭 雍正九年總督李公衛旣濬西湖愛于山

畔芟刈榛穢闢磴道數十級延緣而登山半置亭以

爲憩息之所更上爲八角亭亭外懸崖數仞護以石

欄黛色波光如在階城屬鶚春晚同吳尺鳬登丁家
山新亭 百轉鶯闌百舌催

遊人猶向此山來雙亭半倚林蘿出一壑中分紫翠
開笑挽風光歸礎筆醉邀湖影入深杯平生野服宜
春服惹得松
花竹粉同

蕉石山房 自八角亭更進爲舫室舫前秀石林立狀

類芭蕉題曰蕉石山房石根天然一池有泉從石罅
出磴道之南壁高丈許前一巨石卓立如屏遂稱蕉

屏屏以內度石牀石几泠然虛應雅宜鼓琴目曰蕉

石鳴琴

周長發蕉石鳴琴

岸舫牽來近綠天高山

眞可撫水絃雨翻石骨鳴清籟風剝蕉心響
細泉拜丈未應逢海岳刺船端擬遇成
連何妨暫洗箏琶耳來就山居枕石眠

大麥嶺 在丁家山西夢梁錄云與宋步司右軍相連

路通放馬場舊多種麥因名陸游詩西湖一別不知
年陳跡重尋麥嶺邊謂此嶺上有觀音閣對山有東
坡同王瑜楊傑張鑄元祐五年三月三日游三竺過
麥嶺題名石刻朱杜西湖竹枝詞 麥嶺風吹小麥
花古藤喬木路三义千年玉骨湘纍
墓萬里堅
城少保家

花家山 在大麥嶺後臨安志云一名蛇山下爲花隴

花港東爲鳳凰嶺瀕湖而登爲茅家埠

仇遠蛇山
間循石澗到

雲屏樹影生涼怯
亭衣靜碧軒窗聊
寄傲軟紅塵土
竟忘歸滿傾竹
葉春霞滑輕摘
蕉花晚露晞禪
意法
乘俱莫問且談
舊事共依依

盧園在花家山下宋內侍盧允昇別墅景物奇秀有
大池文石登砌水冽而深異魚種集舊稱花港觀魚
者此也今景亭建于定香寺故地去舊蹟已二里許
茅家埠南山龍井諸泉及北山分流之水皆自此入
湖國朝雍正五年建石閘埠東臨安志載雙井橋
丁家山橋並在茅家埠丁家山路則茅家丁家皆自
宋時著名輟耕錄記趙孟頫等遇呂仙事作毛家埠
非王士禛竹枝詞渡頭向曉聚蘭橈勝日春風
粉黛饒相喚茅家埠頭去紛紛搖過第三橋

獨角門 武林舊事麥嶺有獨角門近茅家埠宋建炎

時直秘閣浙江提刑周格死節葬獨角門步司前軍
寨旁見夢梁錄

觀音泉 在麥嶺北相近茅家埠坎口正方亦名方泉

深廣不踰丈尺淵然澄冽亢旱不枯而味甘美第

落寞于畎畝阡陌之間人莫之顧明張萬言嘗作記

表之

徐集孫觀音泉

岩石留雲裛翠煙古松知立
幾千年淨瓶一滴楊枝水湧出巖前大士泉

醉白樓

西湖夢尋云刺史白樂天嘯傲湖山時有野

客趙羽者湖樓最暢樂天常過飲其家因卽顏之曰

醉白在茅家埠今改吳庄一松蒼翠飛帶如虬真數

百年物也

倪元璐醉白樓行春信馬蹄冶艷桃花供祇應迷離煙柳

金沙深處白公堤太守

藉提携閑時風月爲常主到處鷗鳬是小
俟野老偶然同一醉山樓何必更留題

小麥嶺

西有支徑可通大麥嶺蓋靈石山之陂陀迤

邐者葛澧錢塘賦其山有若靈石其嶺有若麥嶺白

珽西湖賦二麥當風篁之衝皆謂此

強幾聖墓

幾聖名至錢唐人宋慶歷六年進士官祠

部員外郎韓魏公琦甚器重之有文集二十卷墓在

小麥嶺武林舊事云墓前石羊虎猶存

旌德顯慶寺

在小麥嶺宋嘉定初建爲楊太后功德

院寧宗御書扁後山泉石甚奇舊有雲扉軒清壑凝
紫靖雲等亭

太清宮 在麥嶺宋紹熙元年道士朱守固建楊太后

書道德經刻立石幢于此舊有孝義橋歲寒軒矩玉

亭養性凝神二堂咸淳間錫賈貴妃充功德院元初

改觀音院

陸嘉淑太清宮懷古
神絃幽咽賽靈妃路逢簫史行應去身學

柏殿松廊滿翠旂

姮娥竟不歸六火巧工雕彩佩五銖針絕繡
天衣斜陽伫立人過少芳草王孫野徑微

梅坡園 在小麥嶺旁宋楊太后宅園武林舊事云又

名總秀白斑西湖賦藹梅坡之綠陰通花家之紅靄

謂此

董嗣杲梅坡園樹聲多誰家種麥

牆擁雙扉鎖錦窩溪聲不敵尋梅且陟坡萬

厦棟梁巢燕雀四山風日養松蘿園丁自飽栽花利月給楊家得幾何

靈隱觀

在小麥嶺武林舊事云靈宗朝張知宮勅御

書冲隱菴淳祐中道士范善遷重建賜今額今菴在

觀右而觀改仁壽院矣

靈石山

舊有靈石寺靈石西菴崇因報德院薛太尉墓

右爲積慶山有君

子泉

舊有冰壑書堂

下爲放馬場有飲馬橋栖真嶺

舊有仰妃

墓章郇公墓贊寧塔

左爲棋盤山有金沙泉暗竹園

舊有崇恩演福

寺夕佳樓淨林下爲雞籠山有陳寺丞墓路東爲

金鐘峰有方山

舊有白蓮院

下爲玉鈎澗

舊有登善菴句曲外史墓

靈石山

在小麥嶺西南山石舊常有輝光見故以靈

稱其山有三大巒中一巒最高舊呼馬鞍山今呼天

馬山實靈石之主山也右巒曰積慶山左巒曰棋盤

山積慶之北有長岡曰白蛇巖棋盤之東有圓阜曰

雞籠山舊志紀其支別更有平鼎山永清山崑崙巖

諸名蜿蜒扶輿周五六里林路深窈游屐罕至惟樵

子多往來其間元人稱靈石樵歌爲錢塘十景之一

郭祥正靈石山

靈石山前路山深寺更深不知明

月去空惜白雲沉

○張翥靈石道中

重圖直上兩

崖拆中有白道來蜿蜒深溝水下石先走老樹土崩
根倒纏黑變虎文瓜臥圍黃偷鵲眼稻垂田永康遺
廟無人祭日暮啼鳥愁野煙○高得賜靈石樵歌
靈石山頭樵徑連群樵唱和石頭前猿啼鶴唳清相
似野調山腔近自然木杪懸崖通窈窕竹根濯
澗弄潺湲白雲過處清風發吹入長松勝管弦

靈石寺

竹坡詩話云西湖諸寺所存無幾惟南山靈

石猶是舊屋僧言頃時有數道人來丐食拒而不與
乃題詩屋上而去字畫頗類李北海其詩云南塢數
回泉石西峰幾疊煙雲登攜孰以爲侶顏寓李甲蕭
耘後好事者譯之前一句爲呂字第二句洞字第三
句賓字是呂洞賓與三人來耳李甲近世人東坡以

比郭忠恕善畫而文餘當是神仙也范石湖集有詩

紀此事自注云顏雨李甲蕭均三人題詩寺門方運

筆時伸臂長丈餘闍人驚報主僧同顧已失范成大

山寺西湖富清麗城府塵事并我獨數能來不負

雙眼明騷騷殘絮罷颭颭新荷成歲華日夜好遊子

能無情午陰釀初暑稍喜中秋輕山風吹鬢毛將我

入松聲崖寺金碧暗石泉肝膽清壽萬萬蛟舞靈峰

雙髮撐仙人昔來游筆墨上朱甍舉臂尋丈高聊得

兒童驚老矣謝狡獪題詩記吾曾○方岳跋至能所

書西湖洞天事二首西湖天下奇絕處定有老仙

時下觀重來俯仰已陳迹但見孤山煙霧漫圯上

老人親墮履衡山道上共聯詩向

來此事亦多有我故于君子不疑

按潛氏紀三人題詩事于無垢院下田氏謂在崇

恩演福寺周氏錄姜白石淨林院詩復有老仙題

字在屏顏句據夷堅志云乾道四年三日至彼見其字倒書椽間則事必在乾道以前而無垢淨林俱于慶元間始移額演福于淳祐間興復三志所傳均未得其實矣若以寺之專名靈石論之則祥符圖經謂靈石在崇因報德院西湖古蹟事實謂靈石山在棲真院上又與前三說均不可合蓋當時已不能定此事之實屬某寺致紛紛互異若此竹坡石湖諸公祇稱靈石寺今仍其文

靈石西菴

臨安志云靈石山半有靈石西菴泉石尤

美皆以靈名後充左丞薛昂功德院改額永清

郭祥正靈

石西菴

欲問菴中事人馴虎

亦馴楊梅幾翻熟誰爲惜餘春

崇因報德院

有靈石泉又名歲寒泉甚清冽宋高宗

嘗臨幸焉武林舊事云此院與積慶山後永清院皆

薛開府功德此院今廢獨靈石塔存

薛太尉墓 薛名居正吳越時官太尉開府儀同三司

卒諡貞顯葬靈石山墓前嘗生紫藤徧繞三峰之上
其三世孫昂仕宋至尙書左丞

積慶山 宋端平時樞密金淵居此理宗御書積慶山

字賜焉至今傳爲山號山東爲小麥嶺西爲馬陂嶺
自馬陂沿遶而北長岡逶迤與北山月桂峰參差相
對直至茅家埠止卽游覽志所謂白蛇巖也有泉出
馬陂下東經雙峰草堂與金沙泉會卽臨安志所謂

君子泉也武林舊事紀山下有陳拾遺墓拾遺唐人

名字無攷

吳穎芳過積慶雙峰草堂寄懷翟曉江昆仲明湖極清曠釋棹事幽踐春風送帶

屐林麓幾迴轉草堂深閉門駐足暫遊衍高窗爽氣通布榻向山偃清盟君子泉翠挹靈石巘玉鈎蹟尙留冰壑居莫辨伊昔築丙舍習聞孝思展時移鳥過目繼迹方黽勉秋湍後來聽香芳行可撻松飄金粉賦礪臥白沙輒欲留罕酬對遠意與雲捲鐘動西巖阿龍泓試新萍

冰壑書堂

冰壑宋金淵別字也淵築堂山中後倚永

清左挹平鼎所據甚高盡得城邑江湖之勝理宗書積慶山及怡顏藏書閣農圃等字以賜淵卒因葬于此又賜功德寺額曰積慶教忠不及建而止

君子泉 臨安志云在積慶教忠寺前曩以歲旱居民
乏水因鑿地得古碑曰君子泉又有天一泉在寺左
隴亦清冷而甘

放馬場 臨安志稱靈石山在放馬傷側武林舊事紀
飲馬橋亦云地名放馬場其地草木豐茂民居寥寥
吳越南宋皆嘗牧馬於此

飲馬橋 在積慶山東雙峰草堂後金沙玉鈞君子三
泉皆注橋下出茅家埠入湖李草閣集題楊廉夫隱
居有飲馬橋南水亭好句葢楊嘗寓居于此也橋西